

Bwzliuz Si Gak Cuz Ginzchung Caemh Hoh “Sam Nyied Sam” Ciengq Yiengj Go Minzczuz Doxgiet

Gaenh geij ngoenz neix, Bwzliuz Si aeu couqmaenh gij eiqsik Cunghvaz Minzczuz ranz vunz ndeu guh diuz sienqmeh, youq Sinhhih Cin Yihihgungh、Dalij Cin Mbanjluzhou guh hozdung minzczuz vwnzva “Gvangjsih Sam Nyied Sam”. Doenggvaq minzsug baijok、feihyiz daejniemh、vwnzva gyaulouz daengj hingzsik, baijok cwnzgjoj minzczuz doxgiet baenaj, doidoengh Cunghvaz conzdungj vwnzva maenhndei cienziep hwngfat.

Youq Dalij Cin Mbanjluzhou, gak cuz vunzmbanj gapbaenz gij doih foux lungz foux sae hwnj gai cunzyouz, supyinx gak cuz ginzchung dingzyouq yawj. Hozdung yienhciegz ndalaeb daegsaek giz langhgai doxgaiq reihnaz, comz doigawj

cijvaiz、haeux ndei daengj doxgaiq bonjdieg, vih canjnieb lajmbanj saenqhwngh haigvangq roenloh. Linghvaih, bouxcoz ndangdog gap baengzyoux、yienhciegz guhmoiz daengj hozdung, coicaenh gak cuz bouxcoz gyaulouz baedauq, vih ngoenzciet demgya gij saek unqcingz.

Youq Sinhhih Cin Yihihgungh ciet vwnzva cix aeu cien lungz cien sae cunzyouz guh diemjrongh, daj Bwzliuz、Cwnzhih、Yilin、Yungzyen daengj dieg gak cin gak mbanj daeuj haenx daenj buhvaq gyaundeide caemh comz giz ndeu, gij sing gyonglaz caeuq singriu yiengj doh daengx dieg. Yihihgungh lij baengh ranz ciuhgeq bak bi, aeu yizsiz muenghfuk、foux conzdungj cienzndenq cuknyienh gyaundeide,

supyinx hekyouz “dajgaj”.

Baihlaeng guh ciet ndat lumj feiz, dwg gij saedhengz sengdoengh gyalag cauhlaeb minzczuz doxgiet baenaj、doidoengh hong senhgyau couqmaenh gij eiqsik Cunghvaz Minzczuz ranz vunz ndeu Bwzliuz Si. Doenggvaq aen bingzdaiz guh ciet “sam nyied sam”, gak cuz ginzchung youq lienzhab foux lungz foux sae、caemh hoh dinfwngz feihyiz、doengz doi canjnieb daegsaek ndawde gyalag vwnzva nyinhdoengz caeuq cingzgamj nyinhdoengz, cauxbaenz aen gwzgiz moq minzczuz doxgiet “vwnzva caemh cien、canjnieb caemh hwng、ranzmbanj caemh hwnq”.

(Vangz Yicin/黄玉镇)

Yungzsuij: Cingmingz Sauq Moh Cienziep Gihyinh Saekhoengz

4 nyied 3 hauh, Vujgingj Liujcouh Cihdui Cizginz Vujdadui Yungzsuij Cunghdui、Yungzsuij Yinzvujbu、bing geq duivuj daibyauj caeuq lai aen cunghyoz siujyoz lauxsae hagseng youq Lezsw Lingzyenz guh cawjdaez hozdung sauq moh “geiqniemh gwzming lezsw cienziep gihyinh saekhoengz”, doengzcae z geiqniemh gij gwzming lezsw vih minzczuz gajfang saehnieb mbeilaux vutmingh haenx. Gyoengqvunz hengzlaex、hoznaemj、soengq gienva, geiqdak siengjniemh, cienziep gihyinh saekhoengz.

(Cinz Meij/覃美 Vangz Yendingz/王艳婷)



▲Boux bing geq duivuj yiengq lezsw gingqlaex. Cinz Meij ingj

Ginhsiu: Canjnieb Daegsaek Fouq Lajmbanj

4 nyied 3 hauh, youq Ginhsiu Yauzczuz Swciyen Ginhsiu Cin Mbanjluzdon, vunzmbanj cingq mbaet sou gij raetdungxyiengz. Seiz Cingmingz dienheiq bienq raeuj, bouxguhnaez cagaenj seiz ndei gyagaenj cin ndaem cin sou, ndaw naz nyaengqdikdik. Gaenh geij bi daeuj, Mbanjluzdon baengh gij swyenz swnghdai youhsi ndei, haenqrengz hwngfat gij swnghdai canjnieb miz daegsaek, cauxbaenz caz、raetdungxyiengz、raetcoengz、yiengsaenq daengj lai diuz lienh canjnieb, daiqdoengh vunzmbanj dangdieg demsou, vih lajmbanj cienzmienh saenqhwngh dwk hauej rengz moq.

(Gauh Yuzginh/高如金)



▲Bouxguhnaez youq ndaw bungz mbaet raetdungxyiengz.

Dasinh: Guh Hozdung Senhconz Fapceih Minzczuz

4 nyied 3 hauh, youq hozdung yienhciegz “sam nyied sam” fapceih Dasinh Yen, Dasinh Yenvej Senhconzbu、Yenzvej Cwngefazvej daengj danhvei, lienzhab laeb 30 lai aen senhconz canjvei caeuq daiz cam faplwd, guh minzczuz hozdung senhconz fapceih. Hozdung doenggvaq fat soujcwz bujfaz、ganggej anqlaeh、yienhciegz yienjok daengj hingzsik senhconz faplwd cihsiz. Yienhciegz gungh miz 400 lai vunz daeuj cam, fat senhconz swhliu 2000 lai faenh, engq demgiengz le gij eiqsik minzczuz doxgiet caeuq eiqsik fapceih ginzchung, mizyauq coicaenh sevei onjdingh huzndei.

(Yangz Yaujcing/杨晓静)